

von Wulf Wager

## Löcher em Ranza



Neulich hot me mei Dochdr gfrogt, ob i was drgega hätt wenn sie sich pierca lassa dät? Also en Stecker en d' Nos schießa lassa dät! I han no zu ra gsait, dass mr eigentlich mit de- ne Löchr auskomma sott, die mr von Natur aus mitkriagt hot. Aber sie hot sich des net ausreda lassa wella ond mir erklärt, wo mr heutz'tag überalle Ringla ond Stecker neimacht, oder bes- ser gsait, neischießt: en d' Nos, sogar en d' Bruschtwarza ond sogar no tiefer. Do kommsch dr jo vor wia Bulle der vom Bauer

auf Schlachtbank gfiehart wird! Noi, i mach so ebbes net. I stell mr do so vor, i hätt so a Bruschtwarzapiercing ond lieg em Urlaub auf ra Luftmatratz mitta emma schöne See. Ond jetzt wirft en Angler sei Angel aus ond hookt sich bei meim Piercing ein. Der denkt sich: "Hey, des isch aber en Karwenzmann!" ond will mi rauszieha. Do derfsch gar net dradenka. Noi, noi. Net mir mir!

Obwohl, Frauua liebat Männer mit Piercing. Isch doch klar warum: Se kennat Schmerza ertraga ond kennat sich mit Schmuck aus. Aber liebe Männer, frogat mal die Frauua, was se dodrvo haltet. Frauua fendat Männer mit Piercing so attraktiv, wia löchrige Socka.

I fend mr sott sein Körper oifach so lassa, wia'nen dr Herr- gott gschaffa hot. Guad, er verändert sich em Alter. Do kasch nix macha. Auf em Kopf kriagsch weniger Hoor, drfier auf em Bauch, onnarom ond am Arsch meh. Irgend- wann brauchsch no auf em Kopf Bohnerwachs ond onna- rom Schampoo.

Aber dodrmit ka mr leba, oder net? Alles besser, als wenn 's bei der Sicherheitskontrolle am Flughafa piept ond Du muasch di entblättra ond deine Intimpiercings zoiga. Peinlich.

Bis näggschd Woch'

Ihr